

懷遠縣志卷之二十四

賜同進士出身安徽鳳陽府懷遠縣知縣孫讓修

方技傳

元僧杲住華嚴寺年八十餘有戒行翰林學士王肯堂訪焉將別杲曰別後再與公作伴三十年時肯堂未有子也一日肯堂夢此僧入其室是夕得男因名僧杲官至淮西廉訪使年三十而卒朱肯堂荆山醫士也與宋贊劉彥實朱瑩秦子通等皆五世知名各懸一壺于市慕董仙壺公之爲人唯子通仕至太醫院提舉歸老朝廷給復其家

明邈邊張不知何許人常寓塗山禹廟出入頃刻間輒言千里外事人初未信一日辭廟祝他往以笠子爲贈廟祝與樵者戴焉至

懷遠縣志

卷二十四

傳方技

一

半山忽大風捲笠高入雲霄杳無影迹始知張仙侶也後遂稱爲斗笠張云

木牌王亦不知何許人手持木牌以療病爲各常予冬月宿元真觀神旁空地不藉寸草門外雪深尺餘廟祝以爲死矣探之見其卧處氣煖無異燎火相與驚異好飲酒有病疝者持酒往叩之一舉而盡吐其半予瓢以飲病者其病遂愈後不知所之

郝致才深明醫術洪武時召爲太醫院判後請老以其子文傑爲院使

何欽字大敬先世濮人元季遷居荆山世業醫至欽益遂其術凡經胗視生死不爽學者請究其術欽曰李朋之朱彥修皆通今學古士也汝必欲究吾術盍先讀易以察時變讀禹貢識九州山川

風氣博極方書歸約于內經庶可與汝言耳聞者始知其術之有自也王文莊公鴻儒使鳳陽采輯憲宗實錄疾作更數醫不愈聞欽名延之試脉知其病源遂一劑而愈文莊喜甚因爲文紀之欽從孫推官森載之家乘

金綬幼業儒兼習養生之術尤精于醫濠壽之間全活者甚眾本府饒郡伯得奇疾遍求醫治不效張黃門異翔薦綬于饒公延見診視三投湯劑沉疴頓起公喜榮以冠帶隆慶初邑侯何公請與鄉飲卒年八十七

許長春號華脩明季布衣痘疹針灸法通神著有慈幼集六卷其子謚挾遊四方散失無存稿自敘有云痘無死法死於古法藥無生法生於我法我法無生順天地之氣參動息之微則生云云以

懷遠縣志

卷二十四

傳方技

一一

藝名爲福藩上賓欲授以官則逃之嘗私秉藩 千里馬一夕至家不作一言而返人怪之答曰兒輩不可不一兄然豈可共語也生平遊戲三昧風趣可想

呂鸞少讀書與諸童無少異及長娶妻生一女後棄妻不共枕席留心修養之術得異人傳遂嫁其妻雲遊四方康熙元年至江西白日飛昇

生員楊承啟校字

